




LAER VOLKSKOOL GRAAFF-REINET

NUUSBRIEF
Nommer 28
7 September 2018

UIT DIE KANTOOR

Geagte Ouers



Kleurvolle Karakter 2018 Burgerskap



Ons burgerskap pilaar val mooi in by loslitdag wat dié jaar op 7 September val. Daar is nie 'n beter geleentheid om ons ondersteuning vir projekte wat die gemeenskap ophef te wys nie. Ons leerders het vandag 'n geleentheid gehad om superhelde in hulle gemeenskap te wees en ook so aan te trek.

Daar is pragtige pers burgerskap sleutelhouers te koop teen R 5 by Mevrouw van Heerden. Ons moedig die leerders aan om al 6 die sleutelhouers te koop. Ons gaan aan die einde van die jaar kyk wie al 6 versamel het en dalk verras ons hulle met iets spesiaals!

Waarvoor staan die pilaar van burgerskap?

'n Goeie burger:

1. Werk saam.
2. Bly ingelig en stem.
3. Handhaaf goeie buurmanskap.
4. Is wetsgehoorsaam.
5. Respekteer sy/haar omgewing.
6. Spaar water en elektrisiteit.

**EVERY GOOD CITIZEN
ADDS TO THE STRENGTH
OF A NATION**

GORDON B HENCKLEY
PICTUREQUOTES.COM

PICTUREQUOTES.COM

Kom ons bou saam aan 'n samelewing waarin elkeen van ons wil bly!

MEEGEVOEL

Ons innige meegevoel gaan aan die Kemp familie by Huis Eybers met die afsterwe van mnr Kemp (Mannetjie). Mag hulle as gesin die nabyheid van ons Hemelse Vader in hierdie moeilike tyd beleef.

EPOS

Daar is 'n epos as kommunikasie tussen die ouers en die beheerliggaam geskep. Die adres is lvsl1820@gmail.com, indien u enige navrae aan die beheerliggaam wil rig. Navrae in verband met koshuisaangeleenthede kan ook na hierdie epos gerig word. Dit sal derugegee word aan mnr Hendrik Wolfaardt.

SKOOLFONDSREKENINGE

Die rekeninge gaan vandag saam met u kind uit. Maak asseblief seker dat u dit ontvang.

WOW-SPELFEEES

Baie geluk aan die volgende leerlinge wat deur is na die volgende rondte van die spel fees. Hulle gaan 20 Oktober 2018 aan die Nasionale Kompetisie in Stellenbosch deelneem.

Graad 3

Wian Lotter (4de plek)

Graad 4

Zenobia Homveld (3de plek)

Graad 6

Bianca Fitzgerald (4de plek)

KAROO EISTEDDFOD

Weglating: Ons wens ook vir Nicolene Bezuidenhout geluk wat ook die konsert wenner lys gehaal het vir voordrag. Nicolene het ook 'n spesiale toekenning ontvang by die prysuitdeling op 29 Augustus.

INTERSKOLE BEDANKING

Baie dankie aan almal wat van Interskole 2018 'n sukses gemaak het.

'n Spesiale dank aan die volgende borge:

FNB; GRT Sekuriteit; ISU Rommel; Botha's Towing; GRT Golfklub; Merino Apteek; Oasis; GRT Hardware; Dericks Auto Electrical; Muller House; Engen Riverside; HA Jansen v Rensburg; Gerber Botha & Gowar; Montego Pet Nutrition en Iziene van Jaarsveld.

Dankie aan elke adverteerder vir die advertensie van u besigheid in die program asook ander donasies. Baie dankie aan elke ondersteuner wat die skool met elke wedstryd ondersteun het. Sonder u samewerking sou die dag nie 'n sukses gewees het nie. Laer Volksskool waardeur u ondersteuning en bydraes tot die skool se sukses.

“KOEKELOERPLANKIES”

Laer Volksskool bedank graag mnr Johan Dercksen vir die maak en skenk van die “koekeloerplankies”. Dit is 'n baie praktiese hulpmiddel en van groot waarde in die klaskamer. Dit vergemaklik beslis die taak van die onderwyser. Nogmaals baie dankie aan mnr Dercksen vir hierdie mooi onbaatsugtige gebaar.

INENTING VAN GRAAD 4 DOGTERS

Die Departement van Gesondheid het gereël dat die leerlinge Maandag, 10 September 2018 om 09:00 die ingeënt sal word.

SPORT

BELANGRIKE KRIEKET DATUMS VIR DIE KALENDER

Dinsdag,	11 Sept	vs Union vind op 26 Sept plaas.
Woensdag,	12 Sept	vs Karel Theron o.11(w), o.9, o.13 (t) sal op 10 Okt gespeel word.
Saterdag,	22 Sept	toernooi vs Gill o.13
Woensdag,	26 Sept	vs Union o.9 – o.13
Woensdag,	10 Okt	vs Karel Theron o.11(w); o.9 + o.13(t)
Saterdag,	13 Okt	vs Sunridge o.11 + o.13 (t)
Woensdag,	17 Okt	vs Union om 14:00 @ Union - o.9 + o.11 + 17:00 – o.13 @ Botanies
Woensdag,	24 Okt	vs Gill (w)
Woensdag,	31 Okt	vs Niko Brummer (w)

DANS

Joané Stroebel en Monique Nell het op 1 September 2018 aan die Port Elizabeth Dance Festival deelgeneem. Hulle het 'n Tap item gelewer en goud, 85% verower. Baie geluk aan julle twee!

TWEEKAMP

Tweekamp is 'n unieke en onafhanklike vorm van sport waar atlete meeding in hardloop- en swemitems ten einde hulle veelsydigheid te meet aan die hand van voorafopgestelde puntetabelle wat gebaseer is op tye wat hul behaal. Die afstande waarin meegeding word maak die sportsoort uniek en oor die jare is dit bewys dat uiterste goeie veelsydigheid benodig word om sukses te bereik.

Leerlinge oefen nie apart vir Tweekamp nie, maar skakel by atletiek en swemoefeninge in om voor te berei vir Tweekamp.

Ouderdom	Hardloopafstand	Swemafstand
Seuns o.9	800m	50m
Dogters o.9	800m	50m
Seuns o.11	800m	50m
Dogters o.11	800m	50m
Seuns o.13	1200m	100m
Dogters o.13	1000m	100m

Ouderdomsbepaling:

Die ouderdom van die atleet soos op 31 Augustus, bepaal in watter ouderdomsgroep hy/sy sal deelneem. Die seisoen strek van 1 September tot 31 Augustus van die volgende jaar. Indien die atleet 8 is op 31 Aug, sal hy/sy o.9 deelneem en indien die atleet 9 is op 31 Aug, sal hy o.11 deelneem.

Datums vir tweekamp is as volg:

15 & 29 September 2018
 10 & 20 Oktober 2018
 10 November 2018
 19 Januarie 2019
 20 Februarie 2019
 30 Maart 2019

Indien 'n ouer graag 'n leerling wil inskryf, kontak asseblief vir mev K Basson by die kantoor.

GEDAGTE VIR DIE WEEK

Sing saam met my oor die grootheid van die Here en laat ons saam sy Naam prys.

Psalm 34:4

D Joubert
Skoolhoof
Epos: hooflvs@webmail.co.za
Tel: 049-8910803